

咸豐縣志卷十一

氏族志

列傳 土家 客家

條徐蕭索隸魯國之編氓王謝朱張侈江東之門閥有土有人載筆者三致意焉矧今民族主義與國家主義相輔而行則雖一鄉一邑間凡生斯長斯聚族於斯者自不能不循流溯源期與其父子弟兄世世守此田廬毋致漸趨淘汰之列也今就本縣氏族列之大指分土家客家二種土家者土司之裔其嫡派多徙籍武漢各地留住者半係支庶之家客家者自明以來或宦或商寄籍斯土而子孫蕃衍為邑望族者也

咸豐縣志

卷十一

氏族志

列傳

百廿八

唐崖金山同覃氏為本地土人之最古後漢書南蠻列傳有澗中蠻覃兒健宋史林栗傳有施民覃汝翌與知思州田汝弼交惡今邑之覃氏大抵汝翌之族裔也按唐崖草譜覃啟字處送元時有功以武略將軍授唐崖宣慰世職傳子直明初隨廖永忠征蜀降職病故有子七長安毛分金崗司次耳毛分唐崖司三散毛分散毛司四飛毛分東鄉司五宴毛分忠路司六花毛分施南司七小毛分茅港司自是多叛者後皆歸順終明之世唐崖金崗覃氏世長其地今散處各里中者皆覃啟之後裔也又永樂二里有覃氏自湖南澧州來者當與安毛耳毛之後別為一支澧州轄今慈利縣即古澗中地今澧州之覃氏當為兒建之族裔按覃氏譜有白圭

伯堅二人為覃氏最初分支之鼻祖湖南北覃氏各祖其一又按利川縣志忠路司始祖覃伯堅瞿唐人宋慶元中以從征吳曦功授施州行軍總管伯堅生普諸普諸生耳毛野毛化毛耳毛分忠路司舊府志明洪武四年金崗安撫司覃耳毛歸順與唐崖所祖者同名未知孰是

周書蠻夷列傳蠻者族類蕃衍世為寇亂魏人失馭其暴滋甚有冉氏向氏田氏者陬落乃盛僭號王侯龍潭田氏其一也舊府志載田起喇明史一作田應虎洪武四年以龍潭宣撫司歸順改安撫世主其地又嘉靖三十三年龍潭安撫黃俊貪暴不法畏罪作亂後與其子中俱伏誅田氏仍為安撫今其附近田氏一族皆起

咸豐縣志

卷十一

氏族志

列傳

百廿九

喇之後裔也黃氏散處邑之各里世系未詳

明洪武時唐崖宣慰司設左右二副司左蒼蒲司官黃璋右活龍司官秦國龍今兩地有黃氏秦氏族大抵璋國龍之後裔也

以上土家

楊公保原籍工南淮安府山陽縣人父成隨明魏國公徐達立功官陝西西安前護衛漢正掌印守禦世襲千戶洪武二十三年調湖廣施州衛大田所世襲二十五年公保抵任歷瓊玉景春世洪凡四世始分支至再荆正麟而族始大今佔籍邑西平陽里者約千有餘戶

冉應義原籍四川西陽司宣慰使如彪之子明洪武二十三年與弟應禮應信隨其叔如豹隸藍玉軍征故毛諸崗有功後如豹授

施州衛指揮二十五年應義應禮應信俱授大田千百戶等職明  
史土司列傳正德元年命大田千戶冉霽子舜卿為指揮僉事以  
自陳討川寇功也崇禎時有冉天梯者應襲土百戶冉應義之裔  
天明應襲土指揮天開時陞應襲土千戶今邑屬冉姓散處平陽  
禮忠二里尤多大指應義弟兄之嫡裔也

蔣春原籍江南鳳陽府元和縣人明初官大田千戶歷禮忠嵩廷  
玉蘭昇承祖洪策至永鎮凡十一世襲職令永豐下平陽二里之  
蔣氏一族皆春之嫡裔也

張官音原籍山東濟南府宜城縣人始遷湖北武昌府江夏縣洪  
武二十三年官大田所掌印千戶歷羽昇悟通清壽相鵠信義一

咸豐縣志

卷十一

氏族志

列傳

百三十

鯉一魁其紳凡八世至前清康熙四年停世襲今永豐里子房溝  
張氏即官音之嫡裔也

徐騰達原籍江南鳳陽府人明中山王達族兄弟偕兄紹達弟可  
達隨中山王立功兄宦蜀省弟宦黔省騰達隨藍玉征散毛諸崗  
洪武二十三年官大田千戶同時有合肥徐凱者由施州衛指揮  
以功陞副羌將軍都督與騰達亦屬同族騰達寄籍後歷世杰鋈  
晟儼威伯華楷文魁日光凡九世至前清康熙四年停襲舊志載  
徐楷官大田百戶陞總兵徐文魁由大田百戶陞都司又崇禎時  
有掌印百戶徐日光載在楊正麟所進圖冊中皆其世系之章章  
可考者今樂鄉里丁寨徐氏皆騰達之後裔也

丁德原籍江南鳳陽府人明初從龍歷隨征川滇黔等處蠻苗有功官大田千戶子富襲職以武功由副千戶陞正千戶舊志載丁穆貴大田百戶又明末年丁希恩官大田副千戶子正維襲今樂鄉里丁寨丁氏即德穆貴之後裔也

梅世相原籍江南鳳陽府潁川縣人明初官大田副千戶歷八世至應元陞正千戶鼎陞指揮僉事拱辰掌漢五所印遭散毛土司覃勳麟木册土司田生瓊刦印殺死贈明威將軍長子元燮襲至前清康熙四年停襲今下平陽里忠堡梅氏即世相之後裔也

邢源原籍江南鳳陽府人明永樂時官大田千戶歷輔昂裕鎧廷瑞廷璧世臣仲元啟龍啟鰲凡十一世至前清康熙四年停襲今

咸豐縣志

卷十一

氏族志

列傳

百卅一

樂鄉平陽二里邢氏即邢源之後裔也

蔣天佑原籍黃州府麻城縣人明時官大田掌印百戶至明末蔣應昌承襲今其後嗣未詳

舒成祖原籍黃州府蘄水縣人明初官大田千戶歷九世至舒宏以功陞指揮僉事長子舒相度承襲今其後嗣未詳

許成祖原籍四川西陽人明初官大田百戶歷九世至許天爵承襲今其後嗣未詳

田茂璧一作冒碧原籍南浦縣人明初官大田千戶歷十世至田九池應襲子國義曾掌本衛千戶印今其後嗣未詳

張仕元原籍未詳明初官大田副千戶歷九世至世棟應襲今其

後嗣未詳

楊正太原籍四川酉陽地壩里人明末官大田土千戶子光元應襲田國寶原籍四川酉陽車碧人明末官大田土千戶子永忠應襲又田惟貴尚守仁孫武略孫撫相皆明末百戶楊昌祚楊國光皆明末千戶以上諸人皆寄籍本縣惟其子姓氏微末由確定誰為其嫡裔也 以上因宦

丁寨魏氏其始祖遷江西臨江府新淦縣人明隆慶元年因商由蜀徙大田所之西江口屢世忠厚前清中葉生齒日蕃今於丁寨場東北聚族居者皆其裔也

永豐里馮氏其始祖朝鵬四川忠州世襲指揮崇禎時以楚亂追

咸豐縣志

卷十一

氏族志

列傳

百卅二

賊至施旋值甲申之變施夔糜爛歸蜀道梗土司向某妻以女遂卜居於月臺山前清康乾以後族日昌盛今附城馮氏皆朝鵬之後裔也

永豐里袁氏原籍湖南靖州人康熙時由商至本所遂家於是嘉道以後人文蔚起今貓兒嶺蠻刀溝邢家溝袁氏其祖籍大略從同也

永豐里劉氏原籍湖南常德府武陵縣人乾隆末年由商至咸遂家於是嘉慶初漸臻饒裕人才輩出道光以來稱邑中望族者凡六十年今附郭劉氏及忠堡劉氏皆其嫡支也又城南二道河亦武陵原籍先後寄籍於咸嘉道間興家致富同治末年族人劉采

九庶常名鳳苞者從戎滇南過訪寄寓經年贈遺頗豐  
樂鄉里蒲草塘鄧氏原籍湖南辰州人乾隆時由商至咸道光初  
起家富饒咸同以後人文蔚起今為咸望族馬  
龍洞嚴氏原籍貴州思南府人乾隆時由商至咸嘉慶間興家致  
富今禮忠仁孝義悌三里皆有嚴氏產業稱邑中富室者近八十  
有餘年  
樂鄉里楊氏原籍湖南辰州府人乾隆時由商至咸家於蒲草塘  
福家嶺一帶嘉道以後丁口日繁然聚族而居不喜誦讀二十年  
前語言聲口自成縣中特別一種土音今則殆與多數人民同化  
子弟嚮學者眾人才亦較前為多

咸豐縣志

卷十一

氏族志

列傳

百卅三

樂鄉里曾氏原籍湖南常德府人乾隆時由商至咸嘉道以來丁  
口日繁今苦草坪鐵匠溝及來咸交界地皆其族裔也前清湘鄉  
曾相國曾與聯同宗

樂鄉里游氏原籍湖南  
人乾隆時由商至咸嘉道以來丁口  
繁衍家亦漸裕今唐家溝土老坪一帶皆其族裔也

平陽里蔣氏原籍湖南武陵縣人乾隆末年由商至咸嘉慶時漸  
致富有家於王母洞新場一帶今闢地至廣為邑西邊巨族焉  
忠堡祝氏原籍湖南  
人乾隆時由商至咸旋創業立名今其  
後裔戶口雖不多而家聲猶未替

龍潭司顏氏原籍湖南桃源人乾嘉間由商至咸咸同以來家日

豐富今智信太和兩里皆有顏氏戶口  
樂鄉里丁寨秦氏原籍貴州安化縣人乾隆末年由商至咸遂家  
於是嘉慶時漸臻饒裕道咸以來人才輩出家亦殷富稱邑中望  
族焉

小水田葉氏原籍湖南慈利縣乾隆時由商寄籍致富人才輩出  
今其後裔散處永樂二里間

永豐里王氏原籍江西金谿縣嘉道間由商寄籍咸同以來家日  
豐富人才輩出今附郭王氏戶口無多而門第稱鼎盛焉

附郭張氏原籍江西吉水縣大坪蕭氏原籍湖南靖州土地坪張  
氏原籍湖南常德府蠻王牌李氏原籍江西臨江府黃板灘李氏

咸豐縣志

卷十一 氏族志

百三十四

老洞崖尹氏原籍湖南澧州馬河曹氏吳氏原籍江西九江府丁  
寨劉氏李氏原籍湖南又永豐里汪氏麻柳坳耿氏獨樂坪謝氏  
大村朱氏忠堡朱氏李子溪廖氏磨蕩坪黎氏蛇盤溪黃氏大路  
壩溫氏太和仁孝二里劉氏茅壩瞿氏原籍未詳皆發跡有年異  
於後來寄籍之族云 以上因商

石列各氏特就見聞所及生聚教訓滿十家以上而素著名望  
者分別錄入如有遺漏查明再為詳登